

FRANCISCO FERNÁNDEZ DEL RIEGO (Vilanova de Lourenzá, 1913-Vigo, 2010) foi unha das figuras máis queridas e significativas da cultura galega do noso tempo. Ensaísta, narrador, editor, xornalista, pertenceu á promoción de intelectuais que xurdiron ao abeiro do Grupo Nós e o Seminario de Estudos Galegos. A súa longa obra foi un servizo permanente a Galicia, comprometido cos seus procesos de modernización e reconstrución da súa identidade cultural e política.

Foi membro do Partido Galeguista e das Mocidades Galeguistas, animador dos programas en lingua galega na BBC, cofundador da Editorial Galaxia e codirector da revista *Grial*. Colaborou en moi diversas publicacións periódicas, dentro e fóra de Galicia, e ata finais de 2009 foi director da Biblioteca da Fundación Penzol. Doou a súa obra e o seu patrimonio intelectual á cidade de Vigo, na que residiu dende o ano 1940.



# IX PREMIO DE XORNALISMO FRANCISCO FERNÁNDEZ DEL RIEGO



A handwritten signature in black ink, which appears to be 'F. Fernández del Riego', written in a cursive style.

O premio de Xornalismo en lingua galega FRANCISCO FERNÁNDEZ DEL RIEGO naceu coa vocación decidida de animar e impulsar o uso do idioma galego nos medios de comunicación, ao tempo que recoñece a tradición literaria e xornalística dos escritores que utilizaron e utilizan a nosa lingua na prensa.

A figura de FERNÁNDEZ DEL RIEGO reúne as características esenciais que inspiran esta convocatoria: identidade coa lingua galega, espírito aberto e universal, compromiso ético e presenza activa no xornalismo, no que dirixiu e animou iniciativas moi diversas.

NOVACAIXAGALICIA homenaxea a súa figura e, a través deste premio que leva o seu nome, fai extensiva a homenaxe aos escritores e xornalistas que contribúen decote á construción do discurso cívico en Galicia.

## BASES

1. O IX Premio de Xornalismo FRANCISCO FERNÁNDEZ DEL RIEGO acollerá artigos propios do chamado xornalismo literario e de opinión, publicados, con nome ou pseudónimo, en calquera medio de comunicación impreso ou dixital de cabeceiras recoñecidas, entre o 1 de xaneiro e o 31 de decembro do ano 2011.
2. Os artigos deberán estar escritos en lingua galega.
3. Poderán presentarse todos aqueles escritores de artigos xornalísticos que cumpran co requisito sinalado na primeira destas bases.
4. Poderán presentar tamén propostas e candidatas as institucións, públicas ou privadas, academias ou fundacións de todo o ámbito da convocatoria que o estimen oportuno.
5. As propostas nacidas ao amparo dos puntos anteriores, deberán presentar orixinal e/ou documento en formato electrónico (pdf) da páxina completa do xornal ou revista que acollese a publicación.

Acompañando o traballo que se presenta ao concurso, indícarase o nome, dirección postal, teléfono e NIF do concursante ou, no seu caso, do proponente, de xeito que se permita a rápida localización de cada un dos autores dos traballos concurrentes.

6. Ademais, NOVACAIXAGALICIA poderá elixir un comité de lectura e preselección que levará a cabo, ao longo de todo o ano, o seguimento que permita a previa selección e clasificación de todos aqueles artigos que estime que deban ser sometidos á consideración do xurado.
7. Só se presentará un traballo por autor, que deberá remitirse ao correo electrónico: premios@centrosocialnovacaixagalicia.com, indicando no asunto: “Para o Premio de Xornalismo FRANCISCO FERNÁNDEZ DEL RIEGO”, ou ao Centro Social NOVACAIXAGALICIA, na rúa Augusto González Besada, 2-36001, Pontevedra, nun sobre pechado e indicando no exterior: “Para o Premio de Xornalismo Francisco Fernández del Riego”. O prazo de recepción de traballos finalizará o día 31 de marzo de 2012.
8. NOVACAIXAGALICIA designará o xurado, que estará formado por persoas de recoñecido prestixio nos ámbitos xornalístico, literario e/ou académico.
9. O xurado cualificador conta con capacidade para resolver cantas cuestións merecesen ser consideradas para a interpretación das presentes bases. A súa decisión será inapelable.
10. NOVACAIXAGALICIA non manterá correspondencia cos concursantes e/ou proponentes e inmediatamente despois de dar a coñecer a resolución do xurado procederá á destrución dos orixinais presentados.
11. NOVACAIXAGALICIA resérvase o dereito de reprodución do traballo premiado, así como de calquera outro que, presentado ao certame, mereza esa consideración en opinión do xurado.
12. O xurado cualificador reunirse na sede de NOVACAIXAGALICIA en Pontevedra e resolverá o premio no primeiro semestre de 2012. Con posterioridade realizarase a entrega do premio nun acto público.
13. O premio, que non poderá declararse deserto nin ser dividido, terá unha retribución de 12.000 euros.
14. A presentación ao certame implica a aceptación das presentes bases.

En Pontevedra, maio de 2011